



# БЛАГОВѢСТНИК

РОЧНИК VII.      \* ЧИСЛО 9. \* СЕПТЕМБЕРЪ 1927.

ОТВѢЧАТЕЛЬНЫЙ РЕДАКТОР: О. ЕМИЛІЯН БОКШАЙ

## СОДЕРЖАНИЕ:

Честуйме Божъ и свѣтскъ законы (мѣсячное намѣр.). — Де знайти правду? — Житя св. малої Терезії.

— Сколько стоять церковнѣ процессы на Подк. Руси. — Дописи. — Новости.

ВЫДАЕ ВЫДАВНИЦТВО ЧИНА СВ. ВАСИЛІЯ ВЕЛ. В УЖГОРОДѢ

ИЗ КНИГОПЕЧАТНІ ОФ. ВАСИЛІЯН В УЖГОРОДѢ, УЛ. РАКОВЦЯ ЧИСЛО 54..

## **Выдавництво Чина св. Василія Великого въ Ужгородѣ**

поручає слѣдуючъ книжки своєго изданія:

„Слово про св. Церковь Христову“. Брошурка, сторонъ 20.

Содержаніе: 1. Колько есть Церквей Христовыхъ, 2. Котра есть правдива Христова Церковь? 3. Почему упознati, ци належить дакто до правдивоѣ Церкви Христової. — Опроверженіе закидовъ противниковъ.

Цѣна одного примѣрника 1 Кч вже зъ поштою.

Роздумай то добре. На рускій языкъ переклавъ о. В. Желтвай. Изданіе I. Содержить науки о цѣли человѣка, о грѣсѣ, о смерти, о судѣ, о пеклѣ, о чистилищи, о небѣ и о сповѣди. Стор. 160.

Брошурона стоить 5 Кч, съ почтовою засылкою 5 Кч 60 гел.

Образцъ (печатанъ одною краскою): Пресв. Сердце Іисуса, Іисусъ добрый Пастырь, Положеніе до гробу Іисуса Христа, Іисусъ несе крестъ, Распятіе І. Хр., Тайна Вечера, Матерь Божая Непорочно зачата, св. Ангель Хоронитель, св. Іосифъ, св. Василій, св. Іосафать, св. Кириль и Меодій, св. Анна, св. Агнета, св. Іоаннъ на персехъ Іисуса Христа. (Образцъ безъ молитовъ на оборотѣ). 100 дарабовъ стоить 6 Кч, съ поштою 6·50 Кч.

Оумоленіе къ Пресвятой Євхаристії (супликація съ нотами).

Стоить 50 гел., зъ почтовою засылкою 70 гел.

Образець Матери Божої Мукачевскої съ пѣснею на оборотѣ.

Цѣна одного примѣрника 40 гел.

Отпустовъ молитвы. Сеся книжочка содержитъ: Короткое поученіе о отпустахъ и дасколько молитовъ надъленыхъ отпустами.

Стор. 16. — Цѣна 50 гел., а съ почтовою засылкою 70 гел.

Протиалькоголичнѣ брошурки: 1. „Пянiciамъ на закуску“, 2. „Погарчикъ для тверезыхъ“, 3. „На здоровля“. Цѣна 3 брошуръ 1·20 Кч, зъ почт. 1·60 Кч.

Маєме такожъ на складѣ Книги до записуванія интендій Службъ Божихъ.

(200 стор. оправленыхъ) по 28 Кч за примѣрникъ вже зъ поштою.

---

**Засылається лемъ за готовъ грошъ або за послѣплатою (dobirka)**

Листы и грошъ треба засылати на адресу:

**Выдавництво Чина св. Василія Великого, Ужгородъ,**  
Раковци улица число 54.

Листы изъ заграницы треба адресовати такъ:

**Vydavničtvо Čuna sv. Vasilija Velikoho, Užhorod,**  
Rakociho ulica č. 54. Podkarp. Rus. ČSR. — Європа.

# БЛАГОВѢСТИКЪ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

Выходитъ 1-го кождого мѣсяца.

## Адреса

Редакціѣ, администраціѣ и експедиціѣ:  
Выдавництво Чина св. Василія Великого  
въ Ужгородѣ, улиця Раковци число 54.

## Предплата:

Въ Республіцѣ на цѣлый рокъ 10 Кч.,  
за границю 17 Кч. — До Америки 0'50 (половь) дол.  
Одно число „Благовѣстника“ стоить 1 Кч.

РОЧНИКЪ VII.

ЧИСЛО 9.

СЕПТЕМБЕРЬ 1927.

## Честуйме Божъ и свѣтскъ законы.

(Мѣсячное намѣреніе).

Передъ воиною бывъ у насъ на Подкарпатю порядокъ и честованя такъ Божихъ, якъ свѣтскихъ законовъ. Люде перенятъ были думкою, что Божъ законы обезпечать наше вѣчное спасеніе, а свѣтскѣ суть потребнѣ для туземного добра. Въ наслѣдокъ сего нашъ народъ бывъ довольный, и на широкомъ свѣтѣ звѣстный бывъ якъ щиро-богобойный народъ.

Але по войнѣ появилися у насъ агитаторы схизмы и пророки безбожія. Передовсѣмъ зруйновали передъ народомъ повагу священиковъ. Зайды москофилы изъ Галичины рѣзко и безочливо выступили противъ нашего духовенства, обкидали ихъ смѣтью клеветъ и безчестій, и выставили ихъ на смѣхъ передъ цѣлымъ населеньемъ. И народъ неопытный поколебався въ своемъ почитаню супротивъ священиковъ и уже не зная такъ щиро односитися до своего духовно отца, якъ переже.

Коли уже такъ приготовлена была почва, съ зайды почали нападати на саму вѣру греко-каѳол.-у и на Христову Церковь. Говорили, что прадѣдна вѣра русиновъ была схизматицка и народъ руській лише поступомъ, або подъ примусомъ мадяровъ принялъ св. соединеніе т. е. Унію. И сыпалися клеветы на вѣру хр. каѳолическу, на римского отца, выкручовали выражнѣ слова св. Евангелія и до неба хвалили „святыхъ“ бородатыхъ, неукихъ батюховъ и св. „тверду“ православну вѣру. А народъ зновъ

похитився и почавъ сомнѣватися въ св. вѣрѣ, въ которой бывъ крещеный и не однѣ идучи за масными словами брехачовъ оставили свою отцовску вѣру и стали схизматиками.

Третій крокъ по сихъ уже легко ишовъ. Коли народъ видѣвъ, что яка сварка почалася за вѣру, что кождый свою вѣру хвалить и доказує, что при схизмѣ появилися и суботники, баптисты, котрѣ зновъ свою ересь выхваливали до неба — почали гдекотрѣ приходити на то заключеніе, что ни одна вѣра не може быти добра. Недовго выступили и пророки сего безвѣрія и явного безбожія въ особѣ комунистовъ и явно и отверто почали збуджовати народъ, чтобы залишивъ свою христіянску вѣру. Въ газетѣ: „Карп. Привда“ высмѣяли нашъ праздники, Пр. Дѣву Марію, Іисуса Христа, цѣлу христ. вѣру и ширили отрову безбожія и безрелигійности. И народъ и симъ повѣривъ и настали и межи русинами такъ люде, котрѣ явно призналися до того, что они не вѣрують въ Бога и хотять жити всяко вѣры...

И якъ одкинули одъ себе правдиву религію и вѣру и Бога, — почали межи русинами разплодитися всякѣ злочини. Якъ не е Божихъ законовъ, та начто держати людскѣ установленія? Коли услабла вѣра въ Бога, та услабла сила и свѣтскихъ законовъ! Розпочалися крадежи, убійства, покривження, злодѣйтва и Богъ знає якѣ злочини. Дѣтина не почитає родичовъ, межи супружами не е згоды, молодежь розпущена, корчмы повнѣ, domы Божѣ порожнѣ, незгода и постоянна суперечка межи тими, котрѣ передъ тымъ въ вѣрѣ и любви жили. Держава принуждена была держати о много больше жандаровъ, чтобы обезпечити виїшний порядокъ, выdatki державы росли, росли и податки — а народъ изъ дня на день бѣднѣвъ и теперь упадає такъ въ чести, якъ въ матеріальнихъ односинахъ.

Ци е такъ добре? Кождый справедливий чоловѣкъ буде казати: нѣть! Се е душевна и тѣлесна смерть народа. Безъ честованя Божихъ и людскихъ законовъ не е ни душевного, ни туземного добробытія народа. Де не честують ни Божихъ, ни свѣтскихъ законовъ, тамъ народъ не е щастливий и вдоволеный; такій народъ самъ собѣ копле гробъ и знищиться ци скорше, ци позднѣйше.

Зато доки ще не поздно вертаймесь назадъ до давнѣйшого побожного житїя и честованя законовъ. Не одкрыйме сердце наше передъ масными словами ереси и безбожїя, але твердо прилѣпляймесь до вѣчныхъ законовъ Божихъ и честуйме розпоряженїя свѣтскої власти. „Не е власти, лише одъ Бога“ каже св. Павел; бо и держава лише наше благо хоче обезпечити выдаваньомъ законовъ. Тамъ, где люде въ купѣ жіють, тамъ не обойдуться безъ законовъ. То е Божа воля, чтобы меже людьми были законы, котрѣ управильняють житїе громадянское. Не добрый той христіянинъ, который не хоче подержати свѣтскихъ законовъ, котрѣ суть запорукою нашого порядочного и вдоволеного житїя.

Робѣмъ такъ! И увидиме, что вернуться тѣ давнѣ часы, въ которыхъ сила законовъ обезпечила любовь и згоду межи людьми, одстранила всякѣ непотребнѣ споры и причинила тихое и вдоволеное житїе русиновъ на Подкарпатю. Дайме черезъ наше поведеня добрый примѣръ нашимъ ближникамъ и молѣмся щиро до Бога, „чтобы христіяне цѣлого свѣта почитали такъ Божѣ, як и свѣтскѣ законы“. (Намѣреніе на мѣсяцъ септемберъ, для членовъ Ап. Молитвы).

---

## Де знайти правду?

Написавъ свящ.: ТЕОДОЗІЙ ЛЕЖОГУБСКІЙ.

(Продовженя).

---

## Словненя великої обѣтницѣ.

— Обѣтницю, поставити св. Петра Головою Церкви, сповнивъ Іисусъ Христосъ по своемъ воскресеню, коли надъ галилейскимъ озеромъ, по чудной ловлѣ рыбъ, въ часѣ обѣду зъ апостолами, звернувся до св. Петра зъ словами: „Симоне Іонинъ, любиши ли мя паче сихъ?“ На се одповѣвъ Петро: „Ей Господи, Ты вѣси, яко люблю Тя“. Тодѣ сказавъ Христосъ: „Паси ягнцы мої“. И не лишь разъ, а три разы звѣдавъ Христосъ св. Петра, ци любить онъ Его больше, чимъ іншѣ апостолы. А коли св. Петро за каждымъ разомъ потверджовавъ се, Христосъ сказавъ до него: „Паси мої овцы, паси мої ягнят“.

Чимъ-же робить Христосъ св. Петра? Пастиремъ цѣлого свого стада, всѣхъ овець и ягнятъ, цѣлоѣ своеї Церкви, бо свою Церковь называвъ Христосъ стадомъ.

Чому Христосъ робить розлуку между ягнятами а овцями?“. Ци се случайно? Нѣ! Въ словахъ Спасителя не е нико случайного! Христосъ нарочно робить се. Овцы родять ягнята, а ягнята е ихъ дѣтьми. Апостолы проповѣдовали Боже слово, навертали поганъ и дѣлали ихъ Божими дѣтьми;proto были духовными родичами вѣрныхъ, а вѣрнѣ ихъ духовными дѣтьми. Зато Христосъ, называючи свою Церковь стадомъ, каже до св. Петра: „Будь пастыремъ не лишь для „ягнятъ, т. е. духовныхъ дѣтей апостоловъ, значится вѣрныхъ, але и для „овець“ т. е. для тихъ, котрѣ суть ихъ духовными родичами, значить для апостоловъ.

Три разы звѣдае Христосъ св. Петра, ци онъ Его любить и три разы одdae ему найвисшу власть, чтобы зазначити незвычайну вагу сего уряду. Ци не зовсѣмъ ясно, что сими словами поставивъ Христосъ св. Петра найвысшимъ начальникомъ Церкви, т. е. еѣ Головою?

### Якъ вѣрили св. Отцы першихъ сѣмохъ вселенскихъ соборовъ.

И такъ вѣрили апостолы, такъ вѣрили первѣ христіяне, така была вѣра Христовоѣ Церкви одъ самого еї початку! Святѣ Отцы Церкви зобранѣ на первомъ вселенскомъ соборѣ въ Никеи, потомъ на третомъ въ Ефезѣ, называють св. Петра выразно „великимъ начальникомъ апостоловъ“. На четвертомъ вселенскомъ соборѣ въ Халкедонѣ назывався св. Петро „каменемъ и утвержденіемъ Церкви та основою православної вѣри“. Семий вселенскій соборъ въ Никеи называє св. Петра „княземъ Церкви и апостоловъ“.

Нарочно згадую лишь про сесѣ соборы, бо першихъ сѣмъ вселенскихъ соборовъ признае и греческа и россійска Церковь и науку высказану на нихъ уважає наукою Божою.

Чому россійска Церковь, котра голосить передъ цѣлымъ свѣтомъ, что она непохитно держится науки першихъ сѣмохъ вселенскихъ соборовъ, не хоче держатися еї, коли сеся наука признае св. Петра начальникомъ апостоловъ, Головою Христової Церкви? Чому запирає собѣ уха на громкій голосъ греческихъ Отцовъ Церкви, котрѣ говорять до неї сими якразъ соборами? Чому?

Я вамъ скажу чому? Вѣрнѣ россійскої Церкви не знаютъ нѣчого про то, что греческѣ Отцы Церкви, та и первѣ соборы, на якихъ двѣ третины было греческихъ Отцовъ, все признавали св. Петра Головою Церкви. Начальники россійскої и греческої Церкви, котрѣ знаютъ про се, мовчать, бо бояться, что колибы про се сказали народови, то онъ готовъ покинути ихъ Церкви, а приступити до тої, котра такъ учить, якъ учили найдавнѣйшѣ вселенскѣ соборы та греческѣ Отцы Церкви, а они самъ лишили бы ся начальниками безъ вѣрныхъ. А сею Церквою, что учить такъ само, якъ учили Отцы первыхъ сѣмохъ соборовъ есть Церковь каѳолическа.

## Ци апостолы признавали св. Петра Головою Церкви?

Сесъ слова, которыми Христосъ поставилъ св. Петра головою Церкви, были для апостоловъ зовсѣмъ ясными и зрозумѣлыми. Они сейчасъ узнали св. Петра своимъ начальникомъ, а самъ св. Петръ бывъ такожъ свѣдомый своего высокого уряду. Онъ по Вознесенію І. Христа, поводится не такъ, якъ другѣ апостолы, але такъ, что изъ его поведенія видно, что онъ мае власть надъ всѣми. — Св. Петръ скликуе соборъ изъ 120 вѣрныхъ и ставить внесеніе, чтобы на мѣсто Юди избрati дванадцятого апостола.

Коли св. Духъ зойшовъ на апостоловъ, св. Петро первый выступае зъ проповѣдею. А коли зобранѣ толпы народу, чуючи каждый свою родну мову, высмѣвалися изъ апостоловъ, что они пянѣ, тогды въ оборонѣ апостоловъ, яко ихъ правдивый начальникъ, выступае св. Петро. Петро первый дѣлае чудо въ имени Іисуса Христа, коли уздоровляе чоловѣка хромого одъ уроженя. Онъ передъ жидовскою радою одповѣдае за апостоловъ, онъ эносится зъ жидовскимъ начальствомъ, яко дѣйствительный зверхникъ тыхъ, котрѣ вѣрили въ Христа.

Св. Петро первый приймае поганина, сотника Корнила, до Христової Церкви. Рѣчъ нечувана, котра здивовала не лишенъ тогдашніхъ христіянъ, але и самыхъ апостоловъ. Та никто не мавъ права заборонити ему сего, ибо всѣ знали, что онъ одъ Христа одержавъ найвысшу власть въ Церкви и то, что онъ „звяже на земли“ то такъ якбы звязавъ Богъ въ небѣ.

А коли треба было рѣшити вопросъ, ци старозавѣтнѣ обряды обовязують христіянъ, котрѣ навернулися изъ поганства, зberаesя соборъ апостоловъ въ Іерусалимѣ, и на соборѣ проводить св. Петро.

Коли Иродъ увязнивъ св. Петра, тогды цѣла Церковь молится за нимъ, а Богъ увольняе его изъ вязницѣ чудеснымъ способомъ, чёрезъ ангела.

Мимо того, что св. Петръ по Божої волѣ бывъ послѣ епископомъ города Риму, онъ все таки приїзджае до Іерусалиму, дас приказы, а свое перше апостольске письмо пише не до одної громады, а до всѣхъ христіянъ, якъ начальный зверхникъ цѣлої Церкви.

Якъ велику повагу и почесть мавъ св. Петръ у другихъ апостоловъ, видно хотбы изъ того, что про его брата Андрея говорятъ св. Евангелисты: „Братъ Симона Петра“, зазначающи симъ, что се не абы яка честь быти братомъ св. Петра. Коли св. Евангелисти вычисляютъ апостоловъ, то на первомъ мѣстѣ кладуть имя св. Петра, хотъ первымъ апостоломъ, якого покликавъ Іисусъ Христосъ, бывъ св. Андрей Первозванный. Не кладуть на первомъ мѣстѣ такожъ св. Якова, хотъ сей бывъ своякомъ І. Христа, анѣ св. Іоана, хотъ сей бывъ найулюбленишими ученикомъ Христа. Часто пишучи про апостоловъ, згадують св. Евангелисты только имя св. Петра, а про іншихъ только додають „и прочѣ“, або кажуть: „Петръ съ одинадцятьма“. Але имена св. Петра николи не опускають, бо онъ бывъ

первый межи всѣми, онъ бывъ заступникомъ Христа, видимою головою Его Церкви.

— А чомужъ св. Павель, въ письмѣ до Галатовъ, кладе на первомъ мѣстѣ св. Якова, потому Петра а оттакъ Іоана? — звѣдавъ дальше хворый.

— Се цѣлкомъ зрозумѣлое — одвѣтивъ о. Петро. — Св. Павло розказує, что апостолы, коли довѣдалися что І. Христосъ покликавъ св. Павла на апостола, подали ему руку до спольної працѣ, а то Яковъ, Петръ и Іоанъ, значитъ, св. Павель не вычислює трехъ апостоловъ по достоинствѣ, але послѣ часу. Найперше подавъ ему руку до спольної працѣ св. Яковъ, потомъ св. Петръ, а оттак св. Іоанъ. Згадує про нихъ въ томъ порядку, въ якомъ они его повитали якъ апостола. Се могла быти и не одного дня.

— Добре, се розумѣю — сказавъ хворый. — Але чому въ первомъ письмѣ до Коринтянъ св. Павло кладе св. Петра ажъ на третомъ мѣстѣ, коли каже: „Я Павловъ, я Аполлосовъ, я Кифинъ (Петровъ), я Христовий?“

— И се має свою дуже важну причину — одвѣтивъ о. Петро. — Св. Павло зачинає одъ себе, якбы одъ найгоршого — знакъ правдивої покоры — потомъ говорить про Аполлоса, а лише потомъ про Петра. По Петрѣ говорить вже лишь про Христа, и тимъ зазначує, что понадъ Петра уже нѣ е нѣкого, хиба самъ Іисусъ Христосъ. За-чинає одъ найнишшого, а кончить на найвищомъ и тому кладе имя св. Петра передъ іменемъ самого Іисуса Христа. Впрочемъ св. Павель бывъ чоловѣкомъ дуже быстрымъ. Онъ знавъ, что его письмо достанеся и въ руки поганъ, отже не хотѣвъ ставити на первомъ мѣстѣ Голову Церкви, чтобы не зрадиги передъ поганами, кто нимъ есть и тимъ способомъ не звернути противъ него найбльшої ненависти.

Почувши таку одповѣдь хворый мовчавъ, роздумуючи надъ всѣмъ, что почувъ нынѣ изъ усть св. Петра.

Сонце зачало заходити а въ хижѣ залягъ вечерний сумеркъ. Часъ было хворому спочити. Тому о. Петрѣ перервавъ свою розмову, обѣщаючи знова зайти, якъ буде мати мало вольного часу. Хворый попрощався щиро зъ о. Петромъ и залишився зъ своими думками. А дивнѣ они били! Чувствовавъ, что подъ молотомъ правды хитається будинокъ дотеперѣшної его вѣры, опять якбы промѣнь, что поволи продирається до его души и розганяє тьму.

### Св. Петро первый Папа римскій.

На другій день по томъ зайдовъ знова о. Петро до хворого. Симъ разомъ не мавъ онъ намѣру полишитися довше, ибо мавъ вечерню, але хворый самъ навязавъ бесѣду до вчерашнього розговору. Онъ сказавъ:

— Вчерашию розмовою Вы дѣйствительно пересвѣдчили мене, что Божественный Спаситель поставивъ св. Петра Головою Церкви. Але одки Папа римскій має быти головою Церкви, сего я не можу порозумѣти. Тадь найстаршою Церквою е Церковь ерусалимска тай

если кто мае быти Головою Церкви, то повиненъ нимъ быти епи- скоп іерусалимскій.

— Іерусалимъ бывъ справдѣ городомъ, где дѣйствовавъ, страдавъ и померъ Спаситель. Изъ Іерусалимомъ вяжутся найславнѣйшѣ спомини, до него тягне сердце каждого правовѣрного христіянина. Мы не маловажиме Іерусалиму, мы уважаеме єго найсвятѣйшимъ мѣстомъ на земли, колискою цѣлого христіянства. Та что изъ того? По при все то, мы памятаеме такожъ и то, что сказавъ про Іерусалимъ самъ Спаситель: „Іерусалиме, Іерусалиме, избивый пророки и каменiemъ побиваяй посланныя къ тебѣ; колькраты восхотѣхъ собрати чада твоя, яко же собираетъ кокошь птенцы своя подъ крыло и не восхотѣсте? Се оставляется вамъ домъ вашъ пустъ“ (Маѳ. XXIII. 37—38).

Іерусалимъ сповнивъ свою задачу. Онъ бывъ престольнымъ го- родомъ старозавѣтної Церкви та не умѣвъ цѣнити своего достоинства не умѣвъ остоятися на той высотѣ, на якой поставилъ его Богъ. Онъ повбивавъ не лишь пророковъ, але наложивъ руки на самого Спа- сителя и его мусъла досягнути Божа кара. Надъ нимъ мусъли сповнити ся слова пророка Даніила: „И во святыища мерзость запустѣння будетъ, и даже до скончанія времене, скончаніе дастся на опу- стѣніе“ (Дан. IX, 37). Не минуло колькадесьять лѣтъ, а изъ красного Іерусалима не остало камъня на камени. Въ 70 томъ роцѣ по Христѣ римскій вождь Титъ збуривъ Іерусалимъ. Та мало того. Опять о 65 лѣтъ позднѣйше другій разъ збурено Іерусалимъ, а мѣсто, где онъ стоявъ, заорано такъ, что изъ давнаго Іерусалима не остало и слѣду. На его мѣсто збудовано нове мѣсто, что називалося Елія Капитолина. До четвертого столѣтя не было навѣть назвы Іерусалима. Ажъ за часовъ цѣсаря Константина оджилъ давна назва Іерусалима. Прото Іисусъ Христосъ, кто предсказавъ цѣлковитое збуреня Іерусалима, не могъ хотѣти, чтобы въ Іерусалимѣ, якого черезъ 200 роковъ не было майже, бывъ осѣдокъ Головы Церкви.

Тожъ куда мавъ звернутися св. Петро, где мавъ заложити свой престоль? Въ Іерусалимѣ сего зробити не могъ, але чтобы зазначити что Іерусалимъ все остане найдорозшою памяткою для каждого хри- стіянина, приставъ на се, чтобы въ Іерусалимѣ зоставъ епископомъ сей апостоль, что бывъ найближшій Спасителеви, Его родакъ, апо- столь Яковъ, якого навѣть вороги назвали Праведнымъ.

Еще якійсь часъ, майже  $3\frac{1}{2}$  року, оставъ св. Петро въ Іеруса- лимѣ, проповѣдуочи Христову вѣру та нащивляючи христіянскѣ гро- мады въ Палестинѣ, а потомъ удався до Антиохії, где по переслѣ- дованю зобрався найбльшій гуртъ христіянъ. Но не довго, лишь 7 лѣтъ перебывавъ св. Петро въ Антиохії. Антиохія не надавалася зовсѣмъ, чтобы въ ней осѣвъ Голова Церкви. Городъ положеный да- леко одъ моря, середъ недоступныхъ пустинь Азії, не могъ быти тимъ до котрого мали прибѣгати христіяне.

(Продовження слѣдує.)

## Житя св. малоѣ Терезіѣ.

### Смерть матери.

Великое нещастя навѣстило малу Терезку, еѣ улюблена мамка попала въ тяжку хвороту.

Уже не могла говорити зъ Терезкою, не погладила еѣ, не ходила на проходъ, лежала блѣда въ постели та стогнала.

Мала Терезка зъ сестричкою выходили на цѣлый день изъ дому до одноѣ доброѣ панѣ. Тамъ вели розмову про свою хвору матери, ховали для неї одержанѣ ласощѣ — але она не могла уже сего ъсти.

Одного дня отець задержавъ ихъ дома, та завѣвъ до комнаты матери. Тамъ увидѣла Терезка священика. Она клякнула зъ сестрами та отцемъ, а отець парохъ подавъ матери Господа Іисуса въ св. Евхаристіи, та промовивъ: „Прійми Тѣло Господа нашого, кто най заведе тебе до вѣчного житя“.

Отець сердечно плакавъ та сестры такожъ рыдали, а Терезка не могла плакати, лише думала: Но мамочка уже иде до неба, а мене лишає, — а сердце еѣ мало не пукло зъ жалю. Межи тимъ священикъ одчинивъ коробочку зъ св. елейемъ, та помазовавъ нимъ очи исдужоѣ, говорячи: „Отче святий, уздорови помазаніемъ симъ твою рабыню одъ всякоѣ душевноѣ та тѣлесноѣ болѣзни. Потомъ помазовавъ уха, уста, ноги, руки та постоянно молився, чтобы Господь простиавъ грѣхи.

Терезка знова повторяла Господи, возьми маму до неба она была така добра.

Невдовга мати умерла. Терезка увидѣла на коридорѣ домовину, она николи не видѣла подобноѣ скринѣ. — То певно для матери — подумала — яка велика, та яка сумна.

Отець взявъ еѣ на руки, та занѣсь до матери. — Поцѣлуй въ послѣдь твою дорогу мамку. Терезка поцѣловала чоло, було студеное — а мати не могла больше обняти своеѣ пестійки, бо не жила. Але горѣ душа молилася за сиротку: Мой Боже, не опускай моеѣ Терезки. Мати Божа, буди еѣ матерію.

Та мала Терезка почула въ серденъку голосъ: — „Ты не будешъ сиротою, Марія буде твою матерію. Она побѣгла подъ статую Матери Божої, клякнула, та молилася горячо, а потомъ тухенько усѣла коло постели матери, никому не говорила, что ей дуже сумно, что больше не буде смѣятися.

### Друга мати.

По похоронѣ всѣ сестры сидѣли сумно въ комнатѣ матери. Было ихъ пять. Найстарша Марина, потомъ Павлинка, Леонтія, котрѣ ходили до школы та улюблена подруга Терезки Целинка.

Служка, глянувши на дѣти, розплакалася:

— Бѣди дѣти, вы уже не маєте матери.

Тогда Целинка кинулася въ обоймы Марины, кличучи: — Ты будешь мою матерю.

Тerezka робила все то same, что Целинка, тому подумала собѣ: — Хочу, чтобы Марина была и мою матерю, але Павлинцѣ буде сумно безъ донечки; присунулася до неѣ, та сказала: — Павлинка буде мою матерю.

Одъ сего часу заопѣковалася пестійкою. Сама учила єѣ читати и якъ правдива мати говорила зъ нею про Бога, та про небо.

Отець переселився зъ дѣтми до Lisieux, тамъ бывала ихъ добра тютка зъ вуйкомъ, та они занялися дѣвчинками.

Тerezka бывала въ прегарномъ домку зъ городомъ, одки было видно луки, поля та небо. Тамъ она пестгилася зъ нянькомъ та говорила, якъ удалися лекціѣ зъ Павлинкою. — Няньку, я уже знаю читати, нынѣ я прочитала небо. Невдовга прочитаю тебѣ часопись. Межи тымъ зроблю тебѣ чай. Засыпала окропъ чаємъ та подала отцеви у гарномъ блюдѣ та говорила: — Пий няньку! Дуже добрий чай. А отець усмѣхався, та удававъ, что пье.

Тerezka тымъ дуже тѣшилася.

А что робила на лекціяхъ зъ Павлинкою? Писала, числила, учила єѣ читати.

Найбльше любила учитися религії. Про все вызвѣдовалася, а добра сестра радо одповѣдала.

Тerezka: — Павлинко, чому люде жіють?

Павлинка: — Чтобы познали Господа Бога та Его полюбили.

Т.: — А якъ познати Господа Бога?

П.: Видишъ се сонце, сесь дерева, сесь цвѣты, кто се все сотворивъ?

Т.: — Господь Богъ.

П.: — А изъ чого?

Т.: — Изъ ничего.

П.: — Видишъ сесь дерева, птички, цвѣты, се сонечко, се все говорить намъ: Господь Богъ е всемогучий.

А якъ чуешъ про Іисуса Христа, кто уздоровлявъ хворыхъ, приголублювавъ дѣтей...?

Т.: — То кажу, что Господь Богъ, е найлѣпшій.

П.: — А якъ зробишъ чось злого, та перепрошуешь Г. Бога?

Т.: — То Онъ менѣ прощае.

П.: — Бо есть наймилосерднѣйшимъ.

Очи Тerezки, блестѣли якъ двѣ звѣзды: — Говори еще, говори, Павлинко — просила.

Разъ звѣдала:

— Павлинко, Г. Богъ е найсправедливійшій, правда?

— Такъ, Тerezko. Карає за зло, а за добре нагороджує. Чимъ кто красшій въ очахъ Божихъ, тымъ красшій вънєць одержить въ небѣ.

— То не всѣ будуть счастливі? — Засмутилася Тerezka.

Павлинка сказала єѣ принести двѣ склянки, наповнила водою, та зазвѣдала:

— Котра повнѣйша?

Тerezka одповѣла: — Ровно повнѣ, ани въ одной не змѣститься больше воды.

— Видишь, такъ само въ небѣ, малѣ святѣ та великѣ святѣ будуть повнѣ щастемъ, бо видѣти будуть Бога.

Такъ учила Тerezку „друга мати“.

### Тerezka та Дѣтятко Іисус.

Тerezka уважала не лише на лекціѣ, але потомъ и думала про то, что говорила Павлинка та старалася все добре запамятати.

Разъ на проходѣ подивляла на цвѣты.

— Правда Павлинко, что якъ въ небѣ мала свята не завидує великой святой, такъ и еѣ малѣ цвѣтки, фіялки, снѣжки не завидують леліи ни рожѣ та радуються, что хотя малѣ, але можуть прославляти Господа. Я такожъ емъ такою малою цвѣткою та хочу быти даже близько Іисуса Христа.

— Але въ такомъ разѣ — одповѣла сестра — мусиши быти подобною до Іисуса.

— Такъ, хочу уподобнитися до малого Іисуса, бо я еще мала.

И полюбила Іисусика — малу прегарну статуйку дѣтятки. Іисусъ подносивъ одну ручку до горы а въ другой державъ земскую кулю. Тerezka подъ тымъ розмовляла часто зъ Іисусомъ.

— Знаю, что Ты любишъ бавитися, я хочу быти твою пилочкою, яку Ты метай въ гору и на землю, где хочешь. — Добре?

Дѣтятко усмѣхалося, якъ бы хотѣло сказати: — Добре, будь мою пилочкою.

— Іисусику, Ты любишъ цвѣты, я дамъ Тобѣ найкрасшѣ, та обкідовала статуйку цвѣтами. А якъ вечеромъ увидѣла, что зовяли, задумалася та сказала:

— Чимъ Тебе окрашу? якъ дамъ цвѣты, чтобы не зовяли?

Знаю, дамъ Тобѣ мою малу головку, чтобы я постоянно думала про Тебе, дамъ Тобѣ мое малое сердце, чтобы было лишь для Тебе. Колько разовъ ударить, только разовъ най каже:

— Люблю Тебе, Іисусику!

Якъ лишь менѣ дуже захочеся, подумаю, ци и Ты сего желаешь.

Люблю убиратися въ суконки зъ короткими рукавами, бо менѣ се до лиця. Але ци Тобѣ се подобаєся?

Люблю якъ мене хвалять, але ци Ты се любишъ? Я часомъ плачу — ци се подобаєся Тобѣ? Часомъ я уперта, ци Ты тому радуешся?

Малый Іисусъ одповѣдавъ ей все въ серденьку а Тerezka слухала дѣтятки Іисуса та была чимразъ чимнѣйшою.

А якъ подумала часомъ про то, якъ малый Іисусъ слухавъ свої матери, якъ працьовавъ зъ св. Іосифомъ, чтобы всѣ добро дѣти могли Его наслѣдовати, то изъ захвату та вдячности хапала статуйку та пригортала до сердця. Она чула, якъ Іисусъ пригортавъ еѣ тогды до своего сердця та говоривъ:

„Люблю тебе дуже, моя квѣточко“.

## На процесії.

Целинка та Терезка сидѣли въ городѣ, коло нихъ гомоніли пчолки, мотылѣ приглядалися барвнымъ цвѣтамъ, а пташенята щебетали своѣ невгомоннѣ пѣсоньки.

Обѣ дѣвчинки розмовляли.

Ци про забавки? може про ласощѣ, або про нову суконку?

Ходѣмъ тихенько до плота та послухайме.

— Целинко, гарно тутъ, але въ неѣ красше. Тамъ мусить быти добре, нигде не буде такъ добрѣ.

— Павлинка каже — одповѣла Целинка — что такъ добре с такожъ въ монастыри, та она хоче стати монахинею.

Что то е монахиня? — зазвѣдала Терезка.

— Павлинка носити буде гарну намѣтку, сковаesя за крату та думати выключно буде про Бога.

— То и я хочу быти монахинею — закликала Терезка.

— И я такожъ — прошепотѣла Целинка.

— Теперь еще не можеме ити до Чина, бо мы еще замалѣ, але тутъ въ городѣ построиме собѣ монастырь.

Въ мурѣ поробили собѣ престолики, тамъ эносили цвѣты та говорили про гарнѣ рѣчи.

— Целинко — каже разъ Терезка, — я волѧю молитися въ церкви, бо тамъ е живый Іисусъ.

— Якъ се дѣєся — застановлялася Целинка, что Іисусъ есть присутный въ такъ малой частинцѣ?

— Се не дивное — щебече дале Терезка, — бо Господь есть всеможный?

— А что то есть всеможный?

Се значить, что дѣлае все, что хоче...

Невдовга мати будеме свято Пресв. Евхаристіѣ, сыпати будеме цвѣты — якъ я радуюся.

И не могла дождатися сего свята. Кождого дня звѣдалася:

Ци скоро буде свято Пресв. Евхаристіѣ. Не думала зовсѣмъ просуконку, яку еѣ шили сестры, ни про вѣнець, лишь одиноко про то, что сыпати буде цвѣты передъ живымъ Іисусомъ Христомъ. Въ загородѣ управлялася къ сыпаню цвѣтами та говорила до себе: — Теперь мушу быти еще ченійшою, бо Іисусови не будуть справляти утѣху цвѣты одь неченої дѣвчинки.

Вконцѣ надойшовъ желаній день.

Въ бѣлой суконцѣ, у вѣночку рожъ, подобна на ангела, пошла Терезка зъ отцемъ та сестрами до церкви, тамъ отецъ та сестры усунулися, а мала Терезка зостала сама передъ Іисусомъ. Она не боялася. Дивиться, якъ священикъ подносить золоту чашу, въ которой видять бѣлого ангела, а сердце оглядае прегарное дѣтятко.

Хлопцѣ идуть зъ крестомъ, зъ хорухватами...

Дѣвчата идуть въ бѣльяхъ одежахъ та несутъ образы...

Священики идуть зъ свѣчками та спѣвають Псалмы...

Звоны звенять, подноситься балдахимъ, а Терезка дивиться въ Іисуса та кидае цвѣты, а серденько говорить: — Летѣть wysoko,

моѣ цвѣты, доткнѣтся чаши та поцѣлуйте стопы дѣтятки. — Скажѣть Ему, что я Его люблю. — Она метає цвѣты чимразъ выше, а головки квѣтокъ разъ по разъ дотикають золотый крестъ та заносять Іисусови молитву дѣтины.

А Терезка говорить тихенько: — Дякую Тобѣ, Боже, что хочешъ межи нами перебывать.

Іисусе, здѣлай такъ, чтобы Тебе любили всѣ дѣти. Іисусе, не дай менѣ згрѣшити, бережи мене передъ зломъ.

О добрый Іисусе, благослови моему отцеви та сестрамъ.

Благослови цѣлому свѣтови.

Святый, святый, Трисвятый!

Такъ сыпала Терезка цвѣты — а Господь Іисусъ дивився на ю та усмѣхався.

## СКОЛЬКО СТОЯТЬ ЦЕРКОВНѢ ПРОЦЕССЫ ВЪ П. Р.

Подъ симъ заглавiemъ „Земледѣльская Политика“ въ 27. числѣ съ 8. VIII. 1927. занимается зъ религіозною борьбою въ П. Руси и между прочими такъ пише:

„Смутно прославившіеся процессы нѣкоторыхъ сель изза церквей и „религіозная борьба“ кончится теперь негальными результатами; доходять уже рѣшенія найвысшихъ судовъ и вслѣдъ за ними получають судившіеся селяне колосальные счета „своихъ“ адвокатовъ и еще колосальнѣйшіе счета судебныхъ издержекъ“.

„Яркимъ примѣромъ негальныхъ концовъ религіозный борьбы есть результатъ споры православный общини села Вел. Лучекъ. Якъ известно, была въ семъ селѣ подняти волна религіозного движенія такъ наз. „трудовой“ партіей, которая въ лицѣ своихъ лидеровъ (Гагатко и др.) вогнала несчастныхъ и довѣрчивыхъ лучанцевъ въ борьбу за владѣніе греко-каѳ. церковью. Пропагаторы православія, вмѣсто поученія несвѣдомыхъ людей о законахъ и о настоящемъ положеніи дѣла, поджигали темные инстинкты массы и были непрямо зчинщиками насильного забранія церкви и цѣлого ряда разныхъ насилий на религіозной почвѣ“.

Въ слѣдъ зъ агитаторами „трудовой“ пришли въ село адвокаты, которые хитрымъ способомъ забрали веденіе процесса въ свои руки. Уже въ свои руки. Уже въ семъ можно констатировать недобрыя намѣренія адвокатовъ (Стасевъ и пр.), потому что они, какъ дипломированные юристы, были морально обязаны сказать неинформированнымъ людямъ правду; они должны были объяснити, что такие процессы суть бесполезны, что маєтковое и поземельно книжное право на гр.-каѳол. церкви принадлежить неотемлено греко-каѳоликамъ и что насилие забраніе церковной недвижимости не можетъ быть жаднымъ судомъ дозволено и не можетъ быти выиграно“.

„Они какъ „русскіе“ люди непошли симъ честнымъ путемъ, но на оборотъ использовали наивное довѣріе лучанцевъ въ ихъ род-

ственность и честныя намѣренія, завѣдомо вели цѣлую православную общину до великой бѣды“.

„Въ одномъ и другомъ процессѣ заступалъ обвиняемыхъ адв. Стасевъ, который вель процессъ лучанскій, начиная окружнымъ судомъ въ Мукачевѣ, кончая верхов. судомъ въ Бринѣ, дѣлалъ апеллаций и протесты до тѣхъ поръ, пока дѣло было на конецъ окончательно и безапелляціонно проиграно въ Бринѣ отсужденiemъ православной общины и возвращеню насилию забранной церкви“.

„Подсудимыхъ 121 человѣкъ за нарушеніе чужой собственности, должны заплатити свыше 1 миллиона коронъ судовыхъ адвокатскихъ расходовъ; изъ нихъ суть повинны теперь до 5 дней заплатити „своему“ адвокату Стасеву (емигрант съ Буковины) 383,500, (триста восемьдесяттри тысяча пятьсотъ) кор!“

„Короной всего сего темного дѣлаетъ то, что „заступникъ“ не требуетъ гроши отъ всѣхъ 121 человѣка, но лемъ отъ 10 господарей лучанскихъ, которые маютъ достаточный маєтокъ, чтобы заплатити сихъ 383,500 кч. то значить, что сихъ 10 людей останутся жебраками лемъ за то, что слѣпо вѣровали словамъ зводителей!“

Видиши, русине, где приведутъ тебе чужеземцы адвокаты, батюхи, которымъ ты лучше вѣруешь, якъ самому Богу.

„Русины, русины,  
Славныхъ отцовъ дѣти,  
Чому дате вы ся,  
Такъ за нось водити?“



## ДОПИСИ



До редакціѣ „Благовѣстника“ въ Ужгородѣ.

Минувшого мѣсяця юнія въ Гукливомъ бывъ вымкнутый одень трираменный крестъ. Крестъ бывъ поставленый въ дняхъ выбуха схизмы, на земли одного главного ихъ вождовъ И. П. и вытянутый изъ землѣ не крадомъ въ ночи, но явно въ день, самымъ ихъ главнымъ вождомъ и властителемъ землѣ. Крестъ бывъ поставленъ нарочно для ширенія вражды при дорозѣ ведучой въ Мараморошъ.

Якъ чути батюхъ выключивъ И. П. изъ церкви на три роки про сіе дѣло. Шизматики бояться, чтобы сей фактъ не учувъ культурный свѣтъ.

Сей фактъ ясно доказуе ихъ единство и любовъ и Богобойностъ.

Шизматики правду нигда не выявлять на свѣтъ, ибо то противится ихъ организаціѣ, у нихъ ложъ есть силнымъ оружіемъ для уніатовъ, якъ крестъ противъ демоновъ.

Гукливе VII. 7. 1928.

Михаилъ Козикъ.

Высокоуважаемый Пане Редакторе!

Вамъ може быти укажеся сесе дѣло смѣшнымъ, но оно має значеніе такое, что его неотмѣнно треба помѣстити въ Благовѣстнику. Дѣло въ томъ, что у схизматиковъ и дяки держать проповѣди.

Дня 14-го юлія померъ мой отецъ, въ 68 году своего житя. Покойный бывъ въ числѣ тыхъ отступниковъ, что были силою примишено на схизму. Но не буду заниматися симъ дѣломъ доста того что умеръ въ фотіянскомъ блудѣ.

Я хотяй по церковнымъ правиламъ не бывъ обвязаный пойти на похоронъ моего отца, но по чоловѣчої натурѣ я считавъ себе повиннымъ пойти и отдати послѣдну честь моему отцеви.

У ночи при чтенію Псалтыри дякъ Иванъ Баланъ почавъ говорити проповѣдь, котора держала доброї повѣ години. Туй названий отступникъ выбравъ собѣ таку тему, что односилася моей личности. Еденъ отецъ, — говоривъ онъ — мавъ двохъ сыновъ; единому лишивъ наслѣдствіе а другому не лишивъ ничего и прогнавъ его безъ благословенія.

Туй примѣчаю, что нась было 5 дѣтей; изъ сихъ лишь двое приняли фотіянску вѣру и тоты достали наслѣдствіе по отцу а я и еще еденъ братъ (не вернувся изъ войны) и сестра не есме отступниками, то и не маеме наслѣдствія.

Неборакъ дякъ думае что я вѣру свою замѣняю або продамъ за сего свѣтный маєтокъ иproto выбравъ такого рода тему для проповѣди.

Я хоть и лишенный наслѣдства, у „православного схизматицкого дяка“ помочи глядати не буду, но Отецъ еже есть на небесѣхъ мене по моимъ дѣламъ и заслугамъ осудить; а славному проповѣднику совѣту поглядати у св. Евангеліи где есть написано: „Кто любить отца своего паче отца небесного недостоинъ мене“.

Гукливоє VII. 21. 1927.

Михаиль Козикъ.

Славнѣ дѣла схизматиковъ въ Городнѣ.

Высокопреподобный О. Редакторе!

„Что твое, то и мое; а что мое, тобѣ до того ничъ“ кажуть комунисты въ своей науцѣ.

Недалеко стоять отъ комунистовъ и нашѣ Городнянскѣ схизматики, бо виджу, что котрѣ у нихъ найбогобойнѣ, то всѣ суть вождами комунистичної партії, такъ званоѣ безбожноѣ партії.

Вы православники то учите, что вы бороните Христову вѣру ибо ваша вѣра тверда якъ камень, которую основавъ Іисусъ Христосъ; а то небожата учать вашѣ батюшки неграмотнѣ, а вы небожата всѣ слѣпѣ, что не видите только до носа. Вы не видите, якъ васъ звели вашѣ батюхи, что каждый васъ высмѣє и потому принесе васъ на жебратство.

Если ваша вѣра тверда и вы боронитеся за Христову вѣру, прочно вы не подержити другу головну заповѣдь Божію, котора каже:

„Возлюбиши ближняго своего, якъ самъ себе“. Я такъ виджу, что вы еъ неупознаете, зато научътесь еъ. Не упознаете, такъ и не держите еъ предъ своими очами.

Якъ комунисты хотять уничтожити всьо, что Божое и человѣческое, такъ и вы твердъ православники идете по ихъ стопамъ. Что се правда, то вы показали въ Горондѣ 23 VI 1927. коли вы предъ передачею грек. каѳ. фары около фары уничтожилисьте всьо, что тамъ было.

Первый разъ якъ вы узнали, что другій день вы должны передати фару грек. кат., тогда вы розобрали всю городину окружающую фарскій дворъ и загороду, и повозили вы до поодинокихъ господарей и тамъ попрятали. Изъ хлѣвовъ выбрали подмосты и зяли дверѣ и попрятали, въ загородѣ одбили всю зелену садовину а загороду и фару лишилисьте пустою; а то всьо вы сдѣлали при ассистенціѣ батюха и батюшки. Гратулую вамъ, на се научае васъ вѣра Христова? Знайте, что симъ поступомъ даже много вѣрниковъ утратите. Видите, наша грек. каѳ. прав. вѣра научае то, что честуй другого маетокъ, якъ свой.

Но по формальности 24 VI. 1927. не можно было перебрати фару, зато передача отсрочилася на день 18. VII. 1927. Але предъ тымъ днемъ въ недѣлю начатый варваризмъ продолжали вы. На улицы стоящу городину разбили вы сокирами, изъ котороѣ одну часть оставили вы на улицы, а другу повозили. На фарскомъ будинку на славу твердого православія облупали вы стѣны, въ загородѣ вырубали овочевъ дерева. Даже и звоны хотѣли понести изъ турнѣ, але жандармерія не позволила.

Панове батюхи и вы „прав.“ вѣрники! Что вы себѣ думаете? Въ Нашей Републикѣ не е законовъ? Вы думаете, что за сіи вашъ поступы ктось буде отвѣтчи? Мы? Нѣть! Вы! Вы всѣ еще будете плакати, але вже поздно буде. Будете отвѣтчи не только передъ земнымъ судомъ, но будете отвѣтчи и предъ Богомъ Небеснымъ.

Я совѣтую вамъ всѣмъ схиз. батюшкамъ, залишѣть вже вы разъ свою темну агитацію, ибо разъ лемъ увидите, что вашъ вѣрники выбываютъ васъ кулаками.

А вамъ вѣрникамъ совѣтую, что вы оставте блудъ, который вясь въ бѣду приведе, вернѣтся въ лоно Христово, и тогда Іисусъ Христос отпустить вамъ вашъ грѣхи, и прійме васъ въ свою ласку.

Ваша церковь и вѣра не основалася на науцѣ Христовой, и такъ она зчезне, бо должна зчезнуть, а вы попадетеся въ вѣчну темноту.

Твердый грек. каѳ. прав.

Прим. Редакція. Священикъ Ст. Головачъ мимо сего терора схизматиковъ занявъ фару и число гр. каѳ. вѣрниковъ изъ дня на день росте.

---

«Читайте лишь „Благовѣстникъ!“»

---

## НОВОСТИ.

**Посвященіе Народного Дому** въ В. Верещихъ одбылося 23-го юлія на день свята найсв. Евхаристії (девятый четверь). Обрядъ посвященія кончивъ панъ посолъ о. Волошинъ, а проповѣдь державъ о. Ст. Решетило. Построенія Нар. Дому въ В. Верещихъ е доказомъ ревности въ вѣрѣ жительовъ села, надъ которыми не могла побѣдити ни Фотійова схизма, ни безбожный комунизмъ. Пріймѣть такожъ изъ стороны гр. каѳ. громадянства ширѣ благожеланія.

**Новый ап. посолъ въ Празѣ.** Переговоры межи Римомъ и Прагою приближаются до конця. Апостолскимъ посломъ буде правдоподобно Mons. dr. Alois Fuidutti, кто до теперь бывъ легатомъ въ Ковнѣ.

**„Орелъ“ на Подк. Руси.** Початкомъ мѣсяця августа бывъ поддержаній въ Ужгородѣ курсъ для организації гимнастичного товариства: „Орелъ“. На чолѣ

се для насъ христіянъ дуже потрѣбноѣ институціѣ стоить Преосв. Петро епископъ.

**Кураторъ и батюшка.** Въ Яловой (Slov.) одступники принесли собѣ батюшку и занесли его до гр. каѳ. школы, чтобы имъ „служивъ“. За се панъ кураторъ бывъ заправоченый и доставъ 10 дней сидѣти и 60 кч. платити (Гуменянскій ср. судъ). Батюшка выкрутився, але панъ кураторъ одсидѣвъ и заплативъ.

**Вожды комунистовъ.** Якъ комунисты люблять богатство, тому свѣтлымъ примѣромъ є др. Нейедлей, оденъ изъ вождовъ чеськихъ комунистовъ. Теперь не давно оженився изъ женою своею доставъ 600.000 Кч; окремъ того має палату въ Празѣ, зновъ красну лѣтну палату въ Турновѣ и високу професорску платню. Такъ выглядяе комунизмъ въ житю! А передъ народомъ кричить: смерть на богатыхъ!

**Увага!** Взываємо увагу нашихъ паломниковъ, котрѣ идутъ на одпусты (до Мукачова, до Ужгороду и пр.), чтобы не стали молитися передъ шизматицкими крестами. Бо то е пониженiemъ нашої вѣры и выхваленя ереси! Присиме ОО. Духовниковъ на се упозорнити своихъ вѣрниковъ.

## ПЕРЕПИСКА РЕДАКЦІЇ.

**Терновскѣ вѣрники.** Письмо Вашн дойшло. Хотѣвъ бы я зъ Вами и лично говорити. Коли бы сте прійшли до Ужгороду зайдѣть въ редакцію (Капитульна ул. 12). Або можо пойде ктось до Васъ.

**ОДЬ АДМИНИСТРАЦІѢ.** Михайлъ Русинъ, Келечинъ. „Благовѣстника“ высылаєме Вамъ порядочно кождсе число. Числа 5, 7 и 8 высылаєме Вамъ другій разъ.

**Въ половинѣ Септембра вийде молитвословъ „Да святиться“, словацкими буквами для дѣтей не знаючихъ читати по руськи. Замовляти можна сейчасъ: Выдавництво Чина св. Василія В. въ Ужгородѣ. Цѣна примѣрника 5 Кч. Содержаніе яко въ руськомъ изданію.**

## Выдавництво Чина св. Василія Великого въ Ужгородѣ

поручає слѣдуючѣ книжки:

**Полный Трѣбникъ** (печатаный въ Жовквѣ). Обнимаетъ 899 стор.

Находятся въ немъ всѣ четыри части: I. Таинства, II. Освященія, III. Благословенія, IV. Моленія на всяку потребу. Двойный друкъ: чорный и червонный. Форматъ дуже добротный. Ясный переглядъ, буквы читкѣ, выразнѣ. Оправленій въ кожу стоитъ 150 Кч, а съ почтою порученою 155 Кч.

**Служба праднікъ Сладчайшаго Г. нашаго Іисуса Христад-Царя** стор. 16. Брошуроvana стоитъ 5 Кч, съ почтовою засылкою 5 Кч 60 г.

**Служба Священнѣйшему Гердцу Іисусову** сторонъ 20.

Брошуроvana стоитъ 13 Кч, съ почтовою засылкою 13 Кч 60 г.

**Оутреня І Еечерна** ч. I. Содержаніе: Служба всѣхъ праздниковъ подвижныхъ; Служба Октоиха въ недѣлю; Служба обща Святыхъ; Евангелія воскресніи и Стихирь Евангельски; Пѣснь умилительна; Пасхалія и Мѣсяцословъ. — Книжка переплѣтена въ полотно.

Одинъ примѣрникъ стоитъ 60 Кч, въ почтовою засылкою 64 Кч.

**Оутреня І Еечерна** ч. II. Содержаніе: Служба всѣхъ праздниковъ неподвижныхъ съ Пред- и Попразднествами въ недѣлю; Служба Октоиха въ недѣлю; Евангелія воскр., и Стихирь Еванг. Пѣснь умилительна; Пасхалія и Мѣсяцословъ. Книжка переплѣтена въ полотно.

Одинъ примѣрникъ стоитъ 70 Кч, въ почтовою засылкою 74 Кч.

**Чинъ Тайны Крещенїя и Миропомазанїя.** Цѣна 5, въ почт. 5·60 Кч.

**Чинъ Тайны Свѣржества.** Стоитъ 5 Кч, въ почт. засыл. 5·60 Кч.

**Чинъ Тайны Елеопомазанїя.** Стоитъ 5 Кч, въ почтою 5·40 Кч.

**Чинъ Царастаса и погребенїя мірскихъ человѣкъ.** Стоитъ 10 Кч, въ почтовою засылкою 10·80 Кч.

„Часослобъ“ (Ерейскій молитвословъ) переплѣтенный въ кожу съ золоченымъ обрѣзомъ. Стоитъ 80 Кч, въ почт. засылкою 85 Кч.

**У Стіп Учителя мѣстить 204 читань для священниковъ,** стор. 380. Стоитъ 20 Кч, съ почтовою засылкою 21 Кч 20 г.

**Кровава Незабудька або Хресна дорога Спасителя мѣстить читанія и молитви о Страстяхъ Христовыхъ.** Стоитъ 4 Кч, въ почтою 4·80 Кч.

**Церковні Пісни** (съ нотами), мѣстить 301 пѣсень. Стоитъ 22 Кч, въ почтовою засылкою 23 Кч 20 г.

**Катехизм Шпираго** ч. I., II. и III. Въ первой части широко выложена наука св. каѳолической вѣры, въ другой, говориться про науку обычаевъ (нравоученіе), а въ третьей части выложена наука про Средства ласки. Книжки брошуроvana, кожда окремо. Цѣна ихъ така:

Ч. I. и II. стоять по 25 Кч, съ почт. по 28 Кч. Ч. III. 22 Кч, съ почт. 24·50 Кч.

Повысши брошурки: „У стіп Учителя“, „Кровава незабудька“, „Церковні пісни“ и „Катехизм Шпираго“ печатано въ галицкомъ языць (фонетика),

## НОВОСТИ.

**Посвященіе Народного Дому** въ В. Верещихъ одбылося 23-го юлія на день свята найсв. Евхаристії (девятый четверть). Обрядъ посвященія кончивъ панъ посолъ о. Волошинъ, а проповѣдь державъ о. Ст. Решетило. Построенія Нар. Дому въ В. Верещихъ е доказомъ ревности въ вѣрѣ жительовъ села, надъ которыми не могла побѣдити ни Фотійова схизма, ни безбожій комунизмъ. Пріймѣть такожъ ізъ стороны гр. каѳ. громадянства ширѣ благожеланія.

**Новый ап. посолъ въ Празѣ.** Переговоры межи Римомъ и Прагою приближаются до конця. Апостолскимъ посломъ буде правдоподобно Mons. dr. Alois Fuidutti, кто до теперь бывъ легатомъ въ Ковнѣ.

**„Орелъ“ на Подк. Руси.** Початкомъ мѣсяця августа бывъ поддержаній въ Ужгородѣ курсъ для организації гимнастичного товариства: „Орелъ“. На чолѣ

се для нась христіянъ дуже потрѣбноѣ институціѣ стоять Преосв. Петро епископъ.

**Кураторъ и батюшка.** Въ Яловой (Slov.) одступники принесли собѣ батюшку и занесли его до гр. каѳ. школы, чтобы имъ „служивъ“. За се панъ кураторъ бывъ заправоченый и доставъ 10 дней сидѣти и 60 кч. платити (Гуменянскій ср. судъ). Батюшка выкрутився, але панъ кураторъ одсидѣвъ и заплативъ.

**Вожды комунистовъ.** Якъ комунисты люблять богатство, тому свѣтлымъ примѣромъ є др. Нейедлай, оденъ ізъ вождовъ чеськихъ комунистовъ. Теперь не давно оженився ізъ женою своею доставъ 600.000 Кч; окремъ того має палату въ Празѣ, зновъ красну лѣтну палату въ Турновѣ и високу професорску платню. Такъ выглядаете комунизмъ въ житю! А передъ народомъ кричить: смерть на богатыхъ!

**Увага!** Взываємо увагу нашихъ паломниковъ, котръ идутъ на одпусты (до Мукачова, до Ужгороду и пр.), чтобы не стали молитися передъ шизматицкими крестами. Бо то е пониженiemъ нашої вѣры и выхваленя ереси! Присиме ОО. Духовниковъ на се упозорнити своихъ вѣрниковъ.

## ПЕРЕПИСКА РЕДАКЦІЇ.

**Терновскѣ вѣрники.** Письмо Вашн дойшло. Хотѣвъ бы я зъ Вами и лично говорити. Коли бы'стс. прійшли до Ужгороду зайдѣть въ редакцію (Капитульна ул. 12). Або можо пойде ктось до Васъ.

**ОДЬ АДМИНИСТРАЦІѢ.** Михайлъ Русинъ, Келечинъ. „Благовѣстника“ высылаєме Вамъ порядочно кождсе число. Числа 5, 7 и 8 высылаєме Вамъ другій разъ.

**Въ половинѣ Септембра вийде молитвословъ „Да святиться“, словацкими буквами для дѣтей не знаючихъ читати по руськи. Замовляти можна сейчасъ: Выдавництво Чина св. Василія В. въ Ужгородѣ. Цѣна примѣрника 5 Кч.**

**Содержаніе яко въ руськомъ изданію.**

## Выдавництво Чина св. Василія Великого въ Ужгородѣ

поручає слѣдуючѣ книжки:

**Полный Трѣбникъ** (печатаный въ Жовквѣ). Обнимаетъ 899 стор.

Находятся въ немъ всѣ четыри части: I. Таинства, II. Освященія, III. Благословенія, IV. Моленія на всяку потребу. Двойный друкъ: чорный и червонный. Форматъ дуже добротный. Ясный переглядъ, буквы читкѣ, выразнѣ. Оправленій въ кожу стоитъ 150 Кч, а съ поштою порученою 155 Кч.

**Служба праѣдникѣ Сладчайшаго Г. нашего Іисуса Христад-Царя** стор. 16. Брошуроvana стоитъ 5 Кч, съ поштовою засылкою 5 Кч 60 г.

**Служба Священнику Іоанну Гердцѣ Іисусовѣ** сторонъ 20.

Брошуроvana стоитъ 13 Кч, съ поштовою засылкою 13 Кч 60 г.

**Оутреня и Еечерна** ч. I. Содержаніе: Служба всѣхъ праздниковъ подвижныхъ; Служба Октоиха въ недѣлю; Служба обща Святыхъ; Евангелія воскресніи и Стихирѣ Евангельски; Пѣснь умилительна; Пасхалія и Мѣсяцословъ. — Книжка переплѣтена въ полотно.

Одинъ примѣрникъ стоитъ 60 Кч, зъ поштовою засылкою 64 Кч.

**Оутреня и Еечерна** ч. II. Содержаніе: Служба всѣхъ праздниковъ неподвижныхъ съ Пред- и Попразднествами въ недѣлю; Служба Октоиха въ недѣлю; Евангелія воскр., и Стихирѣ Еванг. Пѣснь умилительна; Пасхалія и Мѣсяцословъ. Книжка переплѣтена въ полотно.

Одинъ примѣрникъ стоитъ 70 Кч, зъ поштовою засылкою 74 Кч.

**Чинъ Тайны Крещенїя и Миропомазанїя.** Цѣна 5, зъ почт. 5·60 Кч.

**Чинъ Тайны Свѣржества.** Стоитъ 5 Кч, зъ почт. засыл. 5·60 Кч.

**Чинъ Тайны Елеопомазанїя.** Стоитъ 5 Кч, зъ поштою 5·40 Кч.

**Чинъ Прастаса и погребенїя мірскихъ человѣкъ.** Стоитъ 10 Кч, зъ поштовою засылкою 10·80 Кч.

**„Часослобъ“ (Ерейскій молитвословъ)** переплѣтены въ кожу съ золоченымъ обрѣзомъ. Стоитъ 80 Кч, зъ почт. засылкою 85 Кч.

**У Стіл Учителя** мѣстить 204 читань для священниковъ, стор. 380.

Стоитъ 20 Кч, съ поштовою засылкою 21 Кч 20 г.

**Кровава Незабудька або Хресна дорога Спасителя** мѣстить читанія и молитви о Страстиахъ Христовыхъ. Стоитъ 4 Кч, зъ поштою 4·80 Кч.

**Церковні Пісни** (съ нотами), мѣстить 301 пѣсень. Стоитъ 22 Кч, зъ поштовою засылкою 23 Кч 20 г.

**Катехизмъ Шпираго** ч. I., II. и III. Въ первой части широко выложена наука св. каѳолической вѣры, въ другой, говориться про науку обычаевъ (нравоученіе), а въ третьей части выложена наука про Средства ласки. Книжки брошурованы, кожда окремо. Цѣна ихъ така:

Ч. I. и II. стоять по 25 Кч, съ почт. по 28 Кч. Ч. III. 22 Кч, съ почт. 24·50 Кч.

**Повыши брошурки:** „У стіл Учителя“, „Кровава незабудька“, „Церковні пісни“ и „Катехизмъ Шпираго“ печатаны въ галицкомъ языцѣ (фонетика).

РУСИНЫ!

СЛАВЯНЕ!

Не идѣть до чу-  
жихъ, а подпираи-  
те своѣ руськѣ ин-  
ституціѣ

Першимъ руськимъ ассекурадійнымъ товариствомъ есть

## „БЕСКИДЪ“

акційное ассекураційное товариство — Ужгородъ.

Принимає ассекурацію хижъ и всѣхъ движимостей  
и недвижимостей противъ огня, противъ вломовъ,  
принимає ассекурацію на житѣе, пензій и пр.

на дуже выгодныхъ услоўяхъ.

Ассекуруйте только у „БЕСКИДЪ“!  
свой до своего!

Глядаєме добрыхъ агентовъ.

## ИАНЪ МИГОВКЪ, УЖГОРОДЪ

Раковци улиця, число 16.

Поручаетъ свою, днешнимъ потребамъ совѣтно заосмотрену

## ПЕРЕПЛЕТНЮ

котра принимаетъ всякѣ работы входячѣ въ кругъ переплетни-  
чого искусства, и выготовить ихъ солидно и модно за дешеву цѣну.

## Церковнѣ, библіотечнѣ и канцелярскѣ книги

принимаются для обновленія. Дальше можно до-  
стати церковные Молитвенники, Евангеліи  
въ красномъ шкуряномъ переплете, и иные.

Продае всякѣ молитвенники. :: Торговля знижена дѣна.